

開放文學 – 推理探案 – 包公案 – 龍圖公案 第五十則 騙馬

話說開封府南鄉有一大戶，姓富名仁，家蓄上等驃馬一匹。一日，騎馬上莊收租，到莊遂遣家人興福騎轉回家。走到中途，下馬歇息。有一漢子姓黃名洪，說自南鄉來，乘著瘦驃一匹，見了興福，亦下驃兒停息，遂近前道：「大哥何來？」興福道：「我送東人往莊上收租來。」二人遂草坐敘話，不覺良久。洪忽心生一計道：「大哥你此馬倒好個膘腴。」興福道：「客官識馬麼？」洪道：「曾販馬來。」福道：「我東人不久用高價買得此馬。」洪道：「大哥不棄，願借一試。」興福不疑其歹，遂與之乘。洪須臾跨上雕鞍，出馬半里，並不回韁。興福心驚，連忙追馬。洪見趕來，加鞭策馬如飛，望捷路便走。那一匹好馬平空被刁棍拐騙而去。興福愕然無奈，自悔不及，只得乘著老驃轉莊，報主領罪。仁大怒，將福痛責一番，命牽驃往府中逕告。時包公正坐公座，興福進告。包公問：「何處人氏？」福道：「小人名興福，南鄉人，富仁家奴僕，有狀告上。」

告為半路拐馬事：潑遭無賴，駕言買馬，騎試半里，加鞭不知去向，止留伊騎原驃相抵。馬上郎不知誰氏之子，清平世豈容脫騙之奸。乞追上告。

包公問那個棍徒姓名，福道：「途遇一面，不知名姓。」包公責道：「鄉民好不知事，既無對頭下落，怎生來告狀？」興福哀告道：「久仰天台善斷無頭冤訟，小民故此申告。」包公吩咐道：「我設下一計，看你造化如何。你歸家，三日後再來聽計。」興福叩頭而去。包公令趙虎將驃牽入馬房，三日不與草料，餓得那驃叫聲嘶鬧。

過了三日，只見興福來見包公。包公令牽出那驃，喚興福出城，張龍押後，吩咐依計而行，令牽從原路拐騙之處引上路頭，放韁任走，但逢草地，二人攔擋衝咄，那驃逕奔歸路，不用加鞭。跟至四十里路外，有地名黃浪村。只見村裡一所瓦房一扇茅屋，那驃遂奔其家，直入茅屋嘶叫。洪出看見自家驃回，暗喜不勝。當時張龍同興福就於近邊鄰人家探訪，那黃洪昂然牽著一匹驃馬，竟去放在山中看養。龍隨即帶興福去認，興福見馬即走向前，勒馬牽過，洪正欲來奪，就被張龍一把扭住，連人帶馬押了，迤邐而行，往府中見包公。包公發怒道：「你這廝狼心虎膽，不曉我包某麼？誑騙路上行人馬匹，該當何罪？」

洪事實理虧，難以抵對。包公吩咐張龍將重刑責打，枷號示眾，罰其驃於官，杖七十趕出。興福不該與之試馬，亦量情責罰，當官領馬回去。遂批道：審得黃洪，以無賴子見馬欺心，自負於伯樂之顧；興福以無知豎逢人托意，不思量趙氏之奸。豈知有馬不借人，逕被以驃而駁去。既不及追其人，又未經識其地。幸物類之有知，借路途以相逐。罪有所得，名法莫逃，合行重究，從公處罰，昭示後人，休學騙馬。